

補

勤

詩

存

補勤詩存卷之十六

山陰 陳錦 晝卿

磨盾後集 丁卯戌辰

丁卯九秋赴李伯帥師中之召自濟上之臺莊復  
自臺莊返權勦平東捻明年春西捻竄畿南師渡  
河北勦檄予轉餉張秋閱七月告捷事平中間往  
返兩河輪戡梭織軍書劄午僅述見聞爲磨盾後  
集

夜聞秋聲

夜聞秋聲鳴樹枝看月推窗適得雨檐前乾鵲遲不飛  
雷下溼蟲曙猶語去年今夕錦機旁袖短手長憶兒女

披衣獨起旋復眠隔宿燈痕細如縷

### 秣田薪

朝束秣田薪暮束秣田薪種秣不一飽動與盜賊鄰歲歲秋風聞殺戮今秋種秣薪偏熟以之庇身蓋牆屋餘薪一車值斗粟昨夜官書火急催大軍尾賊東南來吾村雖小尙百戶秣薪不動如山堆置薪路旁供一爨民炊本自經旬斷空圩瓦釜生暗塵明年種秣還幾人

### 牧犢子

十家畜一馬五家畜一牛呼兒耕種南山頭馬不生駒牛生犢早晚牽車認茅屋自從王師歸北京馬牛苦逐兵車行兵車千里行何處比戶一兒飯牛去長途棘路

腳底穿千車夜渡河冰堅馬瘡牛喘人九死短布單衣  
返鄉里鄉里無人今不耕遑問我牛何日烹

嬰下兒

嬰下一兒不知年自言生長弓刀邊無分寒暑家馬上  
滿目旌旗長蔽天狂奔三日恆不食止舍但避官兵遷  
似聞太行山水惡肥美無過濰淄田裏糧容易棄滿地  
教人亂拾寒衣穿往者時聞曠騎追萬人枕轡無安眠  
後來步馬不相及二百里外施先鞭先鞭欲戰忍勿戰  
疑兵四出紛盤旋羣步日行數十里別留後騎示遷延  
以惑追兵不猝至從容三日移中權望氣但知去不速  
何期後騎若沖煙平原草淺無所畏祇愁帶水築長堤

重圍有隙偶得脫以縱擣橫摧眾堅爨兒此語皆已事  
益知戰地利山川盡地爲牢本上策吞舟網漏夫何言  
再就鴻溝塞蘆子待募敢死騎士千力攻中堅張四維  
務令鋌獸投大閑無家狂虜不恥走邀擊故與常法縣  
兵家勝負豈戰罪盜跖而壽夭則然萬事目擊勝意揣  
毋輕爨兒今暮年

聽錢笠湖述所見沂州旅店題壁詩

白石寒山破曉行何人斯地賦長征歸田想見辭官樂  
繞樹如聞反哺聲不盡謳思鄉里遠可勝顛顚板輿迎  
江南多少無家別對此難爲捧檄情

附原詩 不詳姓名

慈烏啞啞雛繞飛有子奉母江南歸江南無田歸不  
得黃獨青精俱可食旁人盡歌行路難膝下不知霜  
露寒泰山可望不可望黃河白日青天上

烏夜啼

空庭月落危牆高金風暗翦梧桐梢燈前悉蟹語欲倦  
古樹一鴉登屋號乍如老人夜渴嗽牀下披衣寒起神  
情勞又如綳兒失母號路旁枯枝倒挂青猿猱一呼一  
斷久復作胡笳短拍聲韻拗有時引吭一長叫飢腸直  
率吟不豪甚者格磔成變聲銅琶老絃鐵撥挑短嗟苦  
肥乏清唳柏村葉動生塵囂煩音曳過別院枝兩翻顛  
撲霜天毛悲鳴何必定多侶呼羣獨早當中宵黑雲隙

敝塗樹閒驚飛三匝寒無巢

茅驥才雞鳴種菜圖

雞旣鳴矣朝旣盈宵衣殿上東方明豪門夜飲長千里  
燭淚如山晨不起可憐窮野菜根香貴人無此滋味長  
尼山間學賤老圃遂令雅事屬僉荒茅山子騏驥才手  
提祖述長鞭來繭足天涯厭梁肉閉門要食青雲螭鶴  
背腰纏消十萬齋鹽食熟尊羹爛茅世居維揚爲醴賈殺雞祇許  
供寢門客來爭共蔬盤慣南山豆其東陵瓜短畦秋老  
不須家自攜鴉觜行朝露勝踏明月鉏梅花怪君六十  
老尤健旦旦開門餐日華

臺莊舟次讀徐金坡茂材

鑒

磨盾集詩

昔聞松雪擅吟哦

謂趙桐孫

又見徐陵筆檄羅北伐軍書銜

命急南來儒將得人多

徐爲副帥劉學士掌記

千山夢裏征鞍字

一卷詩成踏鐙歌怪底登龍聲價長青萍曾向薛門過

禾中從軍者多薛慰農太守作令時所取士

### 侍大帥舟師上韓莊八牘

叨陪檠戟沂長川萬頃微湖在眼前急箭寒流新雨後

大旗落日晚晴天鴻溝劃地操成算鐵鎖橫江話昔年

舊事蒼茫公莫問夜潮黃浦擁千船

謂滬上委辦軍船事

### 夜渡微湖

暮色蒼然下大東微波千頃走艤幢草塘夜沒湖心雨

蘆岸秋號舵尾風冷趣自多排字雁熱腸難覓話冰蟲



中軍旗鼓知何在望見桅燈兩點紅

重駐任城玉露菴

旌纛重臨選佛場玄都道士識劉郎到門忽訝堂三過  
題壁曾籠字一行筇竹倚天生自直菊花經雨老猶香  
去留莫問人閒事明月無心在上方

紅鑪芋火替誰然額叩重關揖嬾禪管領名山須聖境  
皈依佛子本前緣塵腥亂拂香臺月殺戒宏開畫戟天  
要倩黃河洗兵馬吟詩爭趁杜公泉

少陵遺蹟

寄和安徽學使閣學朱久香年伯

蘭

留別同官

十五疊韻

鯉庭鸞掖紀新詩向晚閒雲出岫遲藝苑三朝推老輩

梓鄉多士感師資名山著述千秋在憂國襟期四海知

好是傳家誇玉尺

次嗣直然分校北闕得士三十三人

又聞珠樹雋聲馳

季嗣衍緒中丁卯南闈

清興重吟晚節詩粉榆春日正遲遲黃冠漫謝求賢詔  
夾袋應多濟世資拄杖光陰丹竈煖買山心事鑑湖知  
公歸猶繫蒼生望待聽龍沙露布馳

家雨田遊幕充中以先子端卿公手書倚樹軒

詩冊見示

東山秉鉞溯吾宗

公弟慈剛中丞撫軍山左有聲

南國吹埴有臥龍舊

第賜書銜野鹿對牀吟帙泣秋菴

此冊得自焚餘

廿年寒菑心

香古百劫殘篇手澤濃惆悵鱣堂懷父執天涯何幸讀

塵封

公與先大夫同舉已卯孝廉爲校官

風流老輩賦歸田一展遺書一黯然倦試京華成絕筆  
重登天姥感遊僊滄桑未換先憂國文字無辜好卜年  
莫問趨庭前日事與君含淚數青氈

### 寒思

萬木無聲落葉危忽聞橐籥半空吹文章到此真磅礴  
天地於斯大咄嗟一夜鄉心催驚策隔年霜信動旌麾  
旁人莫道枚乘老白髮青燈慣下帷

捻逆困踞運東劉軍門銘傳敗之安邱追走贛  
榆十月二十四日巨逆任柱負創死拒善都護  
慶領騎軍擊之殪任柱於礮捷聞軍民驩抃爲

詩記事

皇帝嗣位之六年歲躔降婁次海墘萬馬驅賊霜晨天  
毒霧夜漲青林煙此賊善走空拘攣如蛇縱壑魚歐淵  
十年邸帥勞戈鋌窮迫轉戰苦臍肝 帝命相臣秉鉞

虔會

侯大張四維振中權

以徐州濟甯臨淮周口爲四鎮儲糧屯兵辦賊

一空巢

穴焚腥羶

毀頓毫賊巢徙湖團民數萬戶

招宥脅從誅不悛江南大帥

方凱還

李官

青出於藍揮長鞭鴻溝借劃名山川

據運渠六

塘河築壘浚濠出賊

毋令猛虎踰重鍵海岱及淮其殲旃東人怨

望胡紛然羣疑眾謫夫誰憐銳師三萬出東偏秋風怒

掃黃河邊乘勝壓卵無遷延贛榆之野伐鼓闐困獸狺

狺伏草田千軍嚴敵相鉤連鐵衣都護躍馬便認得大

敦稠人前裹創力戰右耳穿

安邱之戰任逆傷右耳

彈丸一脫墮

飛鳶剗笄撲地頭倒顛驚魂鼎沸紛盤旋賊將自斬旗

白塞渠魁授首天討宜論功交讓左右賢將軍下馬筆

似椽十行露布單騎先賜衣勞酒乞萬錢

軍門手作捷書乞二萬金

賞羣公視此巨賞縣語罷傳呼蹴鞴羈沅河流水鳴

濺濺妖魔膽落萬首駢歡聲夜奏馳捷篇丈八漕渠計

里千寒冰不返融春泉吞舟大魚鐵網牽誰言此策非

萬全上紓宸廑今蕩平帶水足抵長城堅

### 王露庵軍次

蕭寺周聞扞擻呼夜窗人影一燈扶菊筵未散耆英會

酒國重逢倔彊徒

老僧脫塵以菊筵欲諸將

薄飯光陰頻進食惡寒

情緒早圍鑪空明最是蓮池水含得冰心待玉壺

羽檄爭傳捷報譁明星微度玉衡斜風聲自埽填門葉  
霜信驚飛宿樹鴉差喜軍中無卒歲不應寒裏又思家  
移牀就曝南檐下卻好披衣近日華

征衣消息負蘭陔鏡裏霜痕動鬢懸鑪燼香枯灰尙熱  
帷燈人散月還來十年甘苦懷詩偶百劫滄桑讓戰材  
寸鐵輪蹄磨不盡故園寒綠長冰苔

百尺高樓欲雪天消寒舊侶散雲煙

謂趙桐生

不求人解詩

千首重見春來客一年道味熟時偏白髮宦情閒處是  
青氈旁觀錯認陳驚座贏得銜杯一惘然

題黃岡劉幹臣總戎

維禎

重生詩草後

投筆爭鏖擲地金鴻篇束筭已成林尊壺破敵增詩膽

文字麤名具戰心海外蘇卿歸國早

劉先被賊擄

江南庾信

愴懷深風流幾輩聞儒將

近來蔣薌泉中丞劉省三軍門張朗齋總戎皆立功馬上

而銳意爲詩

勁敵應輸郢上吟

### 蠟梅

輕痕破臘出牆陰著色瓊枝逗雪林馨口豈容甜似蜜  
冰心何事點成金一丸春信江南寄十月黃香嶺上尋  
忽訝瑤臺凝燭淚巡檐索笑可能禁

### 十一月望日

當頭看月已三回索句消寒興易灰落紙鑪煙縈筆管  
隔窗燈影畫盆梅天邊歸夢千船喚夜半鄉心一雁來

難得老僧頑似石曉鐘聲展羽旗開

圩牆晚眺

長天極目暮雲涼萬木無聲繞女牆林際寒鴉三日雪  
風前黃葉昨宵霜衣裳草草擔行色梅柳依依見故鄉  
一半勾留鴻爪在皮鞞蹀躞滾球場

華賓谷

寅

古柏軒詩草

秋風吹送廣陵潮耿耿才名數寂寥爨下焦桐偏技癢  
江南枯樹總魂銷一尊遲我論文約千里逢人折柬招  
讀罷鴻篇如束筍漁山笳鼓逼清宵

寒甃鐵硯惜光陰十載填胸礪硯深京洛緇塵名士淚  
居庸山色壯遊心襟痕慘澹愁邊酒劍氣瞢騰醉後吟



此事世人原不識  
肯拋風月戀華簪

中年絲竹悄銜杯  
同向人間拓筆來  
綺席悲歡關世事  
名山憂樂屬詩才  
可勝海曲梁鴻怨  
不盡江頭杜老哀  
畢竟救時需作宰  
會攜佳句上強臺

寒思口號

鴉背斜陽刷凍緋  
晴湖水落片鷗饒  
長風猛壓林坳下  
密霰勻攙瓦  
棱飛閉戶坐消三寸燭  
擁鑪寒減一分衣  
梅花不慣因人熱  
竹外奇涼蓓蕾肥

冬烘風味熟窮檐  
新月初描一曲纖  
花蒂冰痕凝絳蠟  
樹頭霜意點青鹽  
夢偏多事人偏遠  
酒自消愁飲自廉  
二十年來猶席帽  
短檠長劍兩無嫌

題方外本善畫佛

俯仰應知世界寬  
莊嚴色相現毫端  
慈悲普願無文字  
結習難消有宰官  
一笑乾坤拈布袋  
諸天花雨擁蒲團  
菩提明鏡原非想  
祇許人間作畫看

三月二十九日 戊辰

明發耿不寐  
梁間聞鳥聲  
雌來哺其雛  
啄粒飛且鳴  
夫鳥亦有巢  
人間胡遠行  
遠行苦不已  
黃河橫大兵  
門前雙車輪  
四角何時生

聽雨堂西陞一夜  
草怒綠春寒留  
百花夕蔭滯林  
木故園雖云蕪  
亂後存松竹  
閑閑畝上桑  
紅蠶大可浴  
何勞插羽書  
明駝挽芻粟

壽良懷古

穀城山下怒龍湫采地千年屬故侯

壽張爲留侯采邑故名

博浪

一椎成底事豹皮終許鐵槍留

王彥章鐵槍

神河百變見滄桑挂劍臺邊落日荒那得論交偏隔世

龍泉綠樹吐秋霜

吳季子挂劍臺

高義蒼茫蹈海漚盈廷片誓足千秋壘頭尺寸非秦土

六國山河有一坏

魯仲連墓

澶洲旗鼓浪爭洶濮上柔桑久寂寥一代可憐征戰地

梁山古泊壘雲高

古梁山泊

名賢親睦守先廬萬石家風愧不如宋學能延洙泗脈

千秋一字合旌閭

張公藝百忍堂

曉步城陰

月臨殘夜漸無色  
雨入春宵纔有聲  
楊柳信催鶯語早  
麥苗風趁雉媒晴  
浪淘沙去大河白  
水抱城來新漲生  
怪底故人書斷絕  
亂軍時向滑州行

時得滑縣  
姜春士書

春暮寫懷

吟髭添著幾莖絲  
積癘如山瘁不辭  
花事補從春去後  
漏聲聽到夜殘時  
百年多故衰先覺  
三月無詩興可知  
欲答親朋作何語  
家書臨發又紆遲

題錢伯聲所贈雙石圖

行龍怒角挾蒼昊  
猛虎蹲踞齧幽草  
盤空瘞硬出精神  
位置玲瓏敵天巧  
雨聲隔壁流春陰  
雲煙亂拂晴窗曉

補勤詩存卷之十六 十

捲幔雙鬟入袖來抱此無言與俱老

四月朔日張湫卽事

春光已到曉鐘時似水年華薄宦遲門外軍書催轉粟  
打頭風雨且鈔詩

東征磨盾集三卷以有挽故忠親王詩也陳總  
戎國瑞因僧復初求之攜去不返索之則在行  
閒矣有感

異書一見輒垂青借去荊州馬不停未許東坡留玉帶  
忽教蕭史賺蘭亭文章莫長長門價歌泣應通故將靈  
世外何時還趙璧愁痕回首悵飄零

客中雨夜

荒城辜負種花天  
客館情懷似舊年  
敲枕覺來千里夢  
挑燈忘卻五更眠  
莫從瓦屋聽梅雨  
正是家山唳杜鵑  
一事明朝差足慰  
黃河流水到門前

首夏

首夏清和一味涼  
風梳麥隴水平梁  
竹因厭俗生偏悄  
柳爲工眠情最長  
九扈底須催雨急  
片鷗何故逐雲忙  
野航禁得掀天浪  
斜倚孤帆受夕陽

夜坐口占

炊熟黃梁夢不成  
麥秋天氣閒陰晴  
星臨萬戶孤城陡  
風滾重河黃流冲運十里間隔數重  
大溜生拜月修狐來有影  
窺窗  
飢鼠出無聲磨驢作苦  
能晨夜爭共荒雞破曉鳴

拾竄齊東李爵帥再峻運防圍勦

機星一夕指齊東十萬鯨鯢在網中海角連年驅國狗  
垓心前度撲沙蟲鴻溝西去多完土犒幣南來足歲供  
九節度師同日戰莫因高鳥惜良弓

巨壘新添活活流咽喉百里助靈湫驚濤穴地催飛鶴  
夜氣沖天熱火牛一歲魚鹽拌餌敵十州戎馬誓同仇  
太倉紅粟千廬在莫爲東人杼軸憂

黃河篇張秋爲黃水穿運北注口門時方開淤  
十餘里以通戰船祈神靈應金龍四大  
王現形水上者  
再水爲之漲

黃河之水天上來陰陽翕闢天門闢銀潢下注星宿海  
大古初試蒙泉才龍門鎖鑰壯荒域禹跡所止今人猜

流沙噴薄地中裂負芥不息成無涯蒙恬對此不得築  
穴地而入長城開經緯百川細如織掌文肌理供磨指  
倒影經天漢案戶黃中通理衷塵霾水之以眠其地平  
東南海岱同苦卑天一所生獨不玄要居中央流四陲  
聖人墮地包老笑清固可希濁亦佳疏而九之尙非性  
變遷歷代紛乖睽潼關一東自終古下游羣匯爭滌洞  
淮南濟北皆故道隄捍不力滋洪災比者豐沛乾黃河  
巨壑千里生麻蕪中流每一趨東海假道澶今開濮今濮  
州梁山隈靈湫到此古張邑孤城沮洳何危哉我昔過  
之水半扉女牆浸潤幾沈埋羣稱金龍素靈異化身尺  
寸登香臺借風虔禱得南渡東流滾滾檣檣撥三年再



過見桑田向之濁浪今長街何由餽饋需畚揭糶臺千  
億分消埃鳩工未竣焚尺素靈物屢降風雲借綠質金  
章露頭角波濤萬頃行如雷忽訝乘潮見白馬何勞禳  
夢神黃能能捍大災則祀之萬人瞻睹晞望柴須與湧  
流逾岸入鴻溝湍決聞喧阗千艘呼擁月初上如湯沃  
雪山爲摧北流歲歲合漳衛獨仗神力扶兵威武夫負  
土操檣櫓小儒握槩踞庭階馳聞大府抵露布賞賀不  
已呼尊犒以利兵划困突騎虞雖一旦哀楚垓臨流頌  
德推李愬功成併勒淮西碑神河安得恃人力迴波輒  
復膠泛杯洗心再禱慎勿懈安山大溜南風吹

過故阿井

在張秋北十八里阿城道傍井徑容五尺深丈餘冬有水夏涸舊有亭臺

今圯僅  
存碑碣

扶輿閒氣出玄牝伏流上滄成阿井虎豹突起明湖泉  
沈濟分流地脈穿到此乾坤滴真髓神龍煦沫通長淵  
昔聞此井有呵護複壁重門慎管庫分符調水歸官司  
未許尋常輕挹注百泉寒涸逢隆冬汲取升斗甘且醴  
味沈力厚調上劑輕重不與凡水同歲貢天家寶涓滴  
亭臺代嬾成塗礫胥贅苔封石徑荒令我停車飲馬憂  
蒼茫名泉伏處人不食空使殘碑囓路傍

乙丑遇閏六月而秋過此一泊再至張秋又逢  
閏夏立秋日有作

三年零雨下龍湫兩度重停破浪舟桐葉無端逢再閏

蓮花有夢到新秋

時六月十九日

燈邊字寄人千里樓角涼生

月一鉤底事渡河還擊機門前流水卽鴻溝

消夏十詠

行牀

未煖宣尼席先登子反牀一肩行李重四足轉蓬忙對此祈歸夢其中有故鄉邯鄲休下榻容易熟黃梁

洞帳

捲幔圓如鏡環牀色似銀燈光緣洞入人語隔紗聞排闥雲無縫披帷月有輪團樂看不厭偏是客中身

蘆簾

一桁秋波影涼痕織葦蕭飛來將燕誤銜去憶鴻翔草

關月初上蓬門風自搖繡檐珠箔裏同此午炎消

竹席

高捲疏簾臥琉璃八尺黃半牀織流水千縷擘簣當枕  
簟滴餘翠風滴生暗涼有筠懷美箭清夢沁詩腸

蒲扇

好借編蒲力團欒萬枋成入懷明月滿著手片雲輕六  
角書難乞千金價易爭不圖君子德偏自草中生

髮拂

短柄含長鬣影影一叢驅蠅讒慝遠揮塵道心濃白  
羽風前皎紅塵馬上逢夜涼休拂拭雙鬢小鬟蓬

涼帽

片影支紅日行雲步步移午陰千樹直涼暈一身披  
月  
逐斜風墮休因夕照敲打頭青箬雨風味釣徒知

汗衫

編細竹  
爲衣

負此昂藏質何時不汗流披肩裹竹甲浹背綴衣梳兩  
袖清湘雨千鱗解谷秋會當終草服蓑影滿青疇

冰桶

未逐神龍去偏來語夏蟲清心牢蘊結風骨漫消融隔  
歲雪猶白當天日不紅堅凝餘鐵石寒散午庭中

瓜盤

捧出一匳碧銀刀削玉環嚼來冰作瓣剖得雪如山滌  
膩熱腸減澆炎俗慮刪不須茶鼎沸門外竹鑪閒

雜詠九首

揚帆遇順風大石當中流迴檣乘下瀨黑雲吹上頭黑  
雲爾胡吹大石爾胡危豈無逐浪鷗浮沈與之隨  
漁子入魚市手提雙鷓鴣市散漁子醉日暮鷓鴣飢鷓  
鴣飢且鳴漁子刺船行持竿擊鷓鴣驅作魚中鷹  
種花惜花香種樹惜樹陰採樵不盈把恐傷種樹心無  
傷種樹心道傍多荆榛荆榛有時盡蘭桂有時薪  
糶者厭穀熟糶者苦歲饑抱布行桑閒鰥者寒無衣上  
古易有無不得操贏奇世亂韓康死賣藥紛路歧  
大隱不在山大賈不在市斷蟹死明燈文禽引流矢驪  
珠惜夜光誓不生沼沚膏蘭甯自焚毋令象有齒

控馬出城閫楊柳花蔽蔽東家楊葉青西家柳條綠一  
掾吹東風不辨誰家屋母爲門戶分流鶯自相逐  
侏儒恒不食僑如食數人造物祿天下食必視其身僑  
如長苦飢侏儒長苦飽吾飽爾何飢不自量其小  
皎皎機上女密密衣裳縫笑人試刀尺自道裁翦工不  
是裁翦工只是親手縫但非親手縫裁翦都不工  
賣竹復賣竹毋入良箕門竹節生自直有箕圖如輪揚  
箕當風前日吐秕穢塵俯視箕上竹一屈無時伸

東昌城淀

一泓晴漲盪輕舟洗眼湖光水淀浮白菡香消經宿雨  
新蟬聲帶去年秋夕陽滿郭環千騎烽火連天有片鷗

莫漫憑陵登百尺海雲東望使人愁

張湫候水

來汶樓前水不來空勞三埧戴村開大流北注鴻溝小  
巨浸南移雁宅哀時黃水移禍安山地號多魚師不漏都成百  
雉土新栽五年前憶樓船下帆影斜飛挂劍臺

歸自貝州

一夜洗兵雨乘風下貝州斷雲依故壘斜月瞰虛舟岸  
曲雙帆轉秋深萬木愁寒濤生舵尾併作百泉流  
水落蒼縣樹風高浪齧隄渡頭集漁網沙觜動耕犁路  
犬驚人吹檣烏擇木栖夕陽無限意山色戀青齊

九日太白樓別余鏡湖庶常

鑑

李少石直刺

文杏



桂履貞太守

中行

劉乙笙孝廉

元楷

戴孝侯茂才

宗騫

太白樓頭作重九萬木秋高新雨後城南城北燈火明  
蓮池露氣流朱甍當時風景只如此神僊酒醒長安市  
惟有杯中月可憐看人聚散又千年

濟上題王載堂學釣圖

一泓秋水照吟髯手把銀鉤月影纖莫爲臨淵偏結網  
羨魚須是不傷廉

滄桑世事感懷深蓑笠閒情託柳陰連得六鰲供一笑  
釣絲竿影總無心

垂老江湖樂遂初故鄉風味憶蓴鱸功名日漸看兒輩  
留得知音謝後車

戲詠丈人星

自天垂象庇農民  
昂首雲衢迥出塵  
道是丈夫長十尺  
生來仰面不看人

捻賊旣平諸軍凱  
撤來濟時余將北  
覲留別

潘豫軒總戎及唐雲臺戴曉東兩軍門

三年負弩愧儒冠  
千里軍容逐隊觀  
氣壓魚龍滄海沸

謂同舟聲雄鵝鶴大河乾  
謂豐縣城南之戰但求辦賊投戈易

卻爲封侯解甲難  
飲罷黃龍忽惆悵  
會須驅馬各之官

潘將履任  
皖南總兵

長溝夜泊

丈八溝前路危橋  
獨夜來秋晴蟲語渴  
寒早雁聲哀急

溜鳴涵洞平林兀望臺孤村雙犬吠風葉墮疏槐

隔水樹千點窺牆月半匿結旌歸鬪艦買犢息窮檐燈

火寒人語秋風貼酒帘去思碑可讀劉寵一錢廉

謂濟甯前

州牧程小泉

### 分水口龍王廟

轉漕穿渠制作良汶河西折度重梁迴流一綫披龍脊

夾岸雙湖接馬場

馬踏馬場兩湖在運隄東西

放櫂直通天咫尺憑

欄常在水中央江淮歲貢多紅粒二百年來帝力長

涓滴瀦洞筦鑰牢柳林十里

二橋名

擁春濤千艘過此前

程順一水居間地位高隄埵蟬聯堆怒阜樓臺鼇戴壯

重濠神威洗淨黃河甲普佑榮光

天語褒

撿逆削平詔賜榮

光普佑  
匾額

舟行

舟行百里卸帆遲  
露涇蓬窗月影篩  
燈火有情偏耐坐  
琴裝無偶最能詩  
一官磨蝎存風骨  
五字雕蟲斷雪髭  
每寄家書頻擱筆  
空餘愁病藥鑑知

安山湖

輕蒲十幅悄帆催  
估舶聯檣集水隈  
倒口俗謂黃水口堤處爲倒口  
候風連日泊漫流  
無路隔湖來時黃水自安山湖溢而出  
埽痕以薪藉堤  
謂之細齧蛇溝湖中地名  
斷簷影舟人謂牽船索爲簷  
斜牽雉堞開極  
目安山圖畫裏  
翠微低罨暮雲堆

補勤詩存卷之十六

補勤詩存卷之十七

山陰 陳錦 畫卿

日下重遊 戊辰己巳

都下遊前後十餘年矣戊辰秋九軍務凱平奉檄  
入都循例請覲稽留五月暢續前遊得詩一卷

北上過東昌登光嶽樓贈程筱泉太守

一覽小齊魯巍樓洞次濔半空生飄颻直上接扶搖百  
尺天光近千層海氣高使君勤眺望民隱燭荒郊  
絕閣延秋爽穹臺結午陰居高君子德見遠古人心岱  
頂容平視聊東足俯臨莫須登極峻寒籟逼龍吟

過博聊關 聊城縣東

博聊關上日光微木落荒城霜葉稀破曉風聲連市捲  
驚寒鴉徹極天飛長安故道千金帚老病征夫九月衣  
便是腰縣如斗印帶圍何似去年肥

夏津風阻

乍趁南風一日程夜來忽聽打頭聲排雲作徹龍都下  
滾雪如山浪大驚直上可能將我去不平何必自天鳴  
順流千里船無力莫信輕舠下水行

貝州遇舊時渡海諸同人言別

揮手河梁天一方壯遊回首忽蒼茫鷺鷥不動立秋水  
鴻雁欲來迎早霜凱旅臨流催曉仗故人歧路惜斜陽  
干戈滿地當年事海上空勞裏急裝

會逢王貢又彈冠  
廿載京華席帽寒  
避地重邀青眼客  
朝天多愧黑頭官  
叨陪汗馬辭衰病  
謝絕登龍感墜歡  
休得無書譏厚祿  
折梅容易寄長安

送貝州軍次同幕隨帥纛凱旋

痛飲黃龍罷投戈  
憶故鄉萬言同草  
檄一劫了桑滄零  
雨思歸賦秋風散  
獵場久齊非我志  
飲啄亦何常

時余方休

奏留東省

總是琴書伴空教鞭鐙親  
十年征戰地幾輩宰官身  
亂後家麤定清時仕漸貧  
臨行重立馬爲道莫依人

滄州捷地垠潘方伯決衛水灌滅河圍賊處

昔聞王師灌徒駭  
僧王決運河入徒駭灌賊於連今見鎮馮官屯禽林鳳翔平粵匪



鼎部開滅河窮寇無心恣北掠津門屏障此功多

澶淵初挫萬人師直北烽煙未可知官軍開州之挫擒逆竄運東入直境

難得游魚重入釜鴻溝一畫不須時賊過運河不十日而河防已峻

辦賊端須扼要圖何勞千里事追逋若教近甸聞風鶴

終恐長圍廢半塗無滅河之蔽則運防不成

### 舟次楊柳青

鈴聲鞭影了前遊襪襪來乘析木舟百劫名場慚繡豸

五更歸夢泣椎牛魴魚得水猶頰尾烏鳥多情先白頭

一樣青青楊柳驛十年前已悔封侯

### 霜葉

未紅霜葉滿阿城馬上初聞葉落聲行到滄州紅葉盡

可知日日戴緇行

途次呈張椒巖觀察

雲望時同晉都門

飛書草檄染華翰  
雅謚春燈拾墜歡  
借箸叨陪先入幕  
投戈何幸又同官  
莫嫌方面猶雞肋  
曾記嘗頭是豸冠  
公先入諫院今將出仕山左  
飲罷黃龍何處去  
琴尊餘興滿長安

寄題唐譽軒太守

德坊隴州竹實圖

聖人生鳳凰  
出綠竹千年一結實  
人壽幾何不相及  
方今世事逢隆平  
非常瑞兆應西京  
節節足足鳳不鳴  
竹實乃爲饑民生  
饑民得食萬事足  
地出瓊漿天雨粟  
大兵之後必凶年  
何可一日無此竹  
守土恭逢草木祥  
爲民請命禳百殃  
吾鄉唐子初領郡  
二千石中其最良  
繪

圖拜賜請作頌自今秦中天降康以撫瘡痍裕軍食年  
年綠竹長結實

山左方伯潘琴軒同年奉命入覲同次津

門卻憶乙丑杭海統師過此率成二律

萬里勤王奏凱旋驅車幾旬靖烽煙回思橫海興師日  
已閱東山零雨年戡亂生才需汗馬論功作收合朝天

雲臺位置毋多讓制勝鴻溝計最先

防河之議實解自公賊以是破

登孤猶記拔潮頭

謂津沽登岸事

鞭鐙今隨日下遊定有籠紗

在蕭寺可曾題柱憶盧溝

公微時曾讀書都門寺中

華林十里鳴騶

擁蕊榜千人附驥羞莫賦西征重拜命便拋東國去封

侯

乙丑四月予在松江上方伯詩有吳淞江水海波瀾之句不一月而鼎軍杭海勦擒此詩末聯有賦西征

抱東國之句不數日而方伯奉命  
將從左軍征回匪時人以爲詩讖

十月九日抵都門喜晤琴巖穗生

乍紆鞭鐙就雲霄鴻雪宜南

宣南鴻雪者昔年都下同入詩社也

舊夢遙

未許文章離席帽卻從戎馬濫金貂  
肯因毀至先銷骨漸耐官貧始折腰  
往事蒼茫一回首可勝榮落柳千條  
十年相見一開襟三世論交契最深  
陳慥猶存精悍色賈生常抱治安心  
幾回萍水成華髮百劫桑滄有苦吟  
日下風雲多聚散及時樽酒對花斟

都下送錢芝門錢伯聲出仕吳楚

衰柳西風澹夕曛著鞭先讓鮑參軍  
酒邊人散花無語塞上塵銷雁失羣  
千里送君歸路雪隔年遲我出山雲

勞勞此別依南斗待播循聲日下聞

析津途次始識徐訐卿孝廉能詩同晉都門臨

別賦贈

著鞭歧路乍逢君耿耿才名冠一軍自昔終南多捷徑  
於今冀北又空羣燈邊話別看長劍馬上論詩立暮雲  
珍重瀕行縣瑞榻好還珂里誦清芬

徐大興人兄夢江侍御啟文由翰林

出守閩中沒於海

驪駒一唱漏初沈獨寺懷人月滿林老竹參天疏有節  
閒雲出岫澹無心識荆已壯軍中色夢李應多別後吟  
便是封侯須及早陌頭楊柳易成陰

贈盛嘯松比部

襄

一揮談塵傲紅塵名士生涯慣耐貧好是飛鴻能作客  
本來高鳥不依人三杯醇酒長安市五十鬚眉吏隱身  
豈有馮唐眞易老可憐精悍色如新

寓準提菴題壁

滿庭黃葉埽秋槐曲徑人歸立凍苔敲破寺門風啟鑰  
樹頭斜月出牆來

買到梅花雪已消煖分芋火裊征袍十年不斷邯鄲客  
孤負鐘聲飯後敲

總是天涯踏雪鴻碧紗能得幾人籠劉郎別後元都觀  
惟有桃花一搥紅

題童硯耘西翰依永詩卷後並呈前西甯恭養

泉觀察 釗

勤王千里經邊庭塞外生歸鬢尙青

詩係庚申恩蹕北狩時作

單車

出使履旱海龍門積石洪流駭

會與恭養泉從西甯軍事窮河源逾積石男

兒身手丈夫心早歲艱危百感侵尋常作郡本小試出

守楚南

世人那得知其深年來同學多不賤世事蒼茫苦

蓬轉樽酒長安得幾人與君把袂看長劍君今壯健存

一官愧我白髮重彈冠十年犯難獨何爲更盡一杯支

歲寒梅花對影自開落一日無官且爲樂

憫忠寺懷古

瑤宮寒碧動英風高觀巍巍古憫忠底事六龍勤遠畧

本來天子不和戎

唐太宗征高麗過此

一夜聲聞畫角哀塵腥鐵騎寺門開金風亂拂冬青樹  
不道南朝老佛來

宋欽宗北狩居此

寸舌難憑已斷腸孤存正氣與空王老僧祇是甘周粟

飯後鐘聲到首陽

謝文節公盡節於此

卽席賦贈王小鐵中翰

莖

墜歡重敘一銜杯鐵筵銀燈倦眼開萬樹嘯鶯風物換  
十年戎馬故人來愁邊不了栽花願老至爭推盡日才  
亂後湖山春後雪可勝鄉思動江梅

長安市上酒家樓回首迷離歇消舟榮落無常關世事

滄桑有感及交遊

倪笠坪大令胡昇山學博早歸道山應敏齋觀察久司滬樞皆一時同遊

儻來風月金尊滿易去年華玉樹愁此別何如君莫問



著書松老不封侯

再贈小鐵

絲竹中年感逝波  
偷閒佳夕莫蹉跎  
飛飛不住枝頭燕  
楚楚堪憐扇底歌  
賭酒燈前賒酒慣  
送愁花裏買愁多  
黃庭一字都無價  
除卻纏頭便換鵝

小鐵工書畫幾於人乞一緡

題名射覆吐纖詞  
賭韻藏鉤昵酒卮  
老輩風流能有幾  
十年名下盡於斯  
琴心斜語花圍裏  
笑影嚙痕月上時  
怪底鐵腸還旆旄  
廣平新作賦梅詩

元旦有作

己巳

爆竹聲中徹曉扉  
鳳城春色滿朝衣  
十年舊夢天邊續  
百試名心日下依  
過此庶乎教服政  
只今猶是欠知非

家書一語高堂慰比歲中原戰事稀

水僊花

好花今日月前身洗鍊芳姿出水濱  
湘子明璫涼有韻  
洛妃羅襪靜無塵  
纖纖梅點燈邊影  
箭箭蘭芽石上春  
俯視泥中羣卉賤  
託根先自不猶人

上大司成全小汀年伯

度

翹首卿雲傷九霄世傳耆舊珥垂貂  
勳名報國尊三

達科目論交歷四朝

公與先大夫爲嘉善同鄉樹同年薄海人文羅玉

尺

公任廣東學使會試總裁

籌邊方畧動金鑣  
引年應比南山皓

冲聖旁求冠百僚

獻歲杯分

壽寓春百年修到宰官身  
灌侯望重安劉

補勤詩存卷之十七 七

業召伯功同負展臣丹竈成書龍甲老青箱流澤鳳毛  
新傳家萬卷森修竹何止庭槐勛後人公父那恭勤公清安著有修竹齋詩文集行世

春日

凍痕鬆碧破莓苔柳眼稊青雪意開鎮日南風吹不冷  
禁林春信及時來

草檄燈紅憶柳營隔年笳鼓數任城彈冠幾輩誇王貢  
一脫戎衣便請纓

雪鴻泥印杏花塵錯認登場偏僂身贏得青氍成老物  
十年門下又傳人及門徐玉庭孫厚卿周介甫洪燦廷應禮試在京沈竹孫則吾徒屠左佩也

敝關剝啄駐星軺風雨淮堧一舊寮  
劉夢九同年時袖自淮上來京  
裏有書三隔歲可憐天末故人遙  
夢九出趙桐生六年二月所寄書見示

劉夢九同年請覲到京

霎時雲散隔星霜揮手重逢是  
帝鄉薄宦登朝來不易  
中年出守仕猶強帆檣小別淮流急鞭鐙同遊海氣  
蒼往事如山一回首爲君無語倒千觴

楚楚詞  
勸亡女  
藹官

綵舉多雌悔不年謝家嬌女小偏憐  
牀頭楚楚蘭芽長  
漸解承歡到膝前

錦字頻紉種玉愁當他崔曙一星留  
誰知福慧修難並  
忽報鵲聲墮樹頭

十年嘯笑總魂銷半現曇花落枕拋得庭前鶯燕去  
可知地下有同胞子舉子女凡八勞出者三今存一子  
有孫曹出者五只存此女不幸又夭  
一碎明珠已斷腸那堪玉樹屢摧戕含嬌不盡燈邊影  
夢裏休來慟阿娘

東賈琴巖索序補勤詩集

清曹風味儘徜徉吏隱城隅靜趣長崇國官書勤夜燭  
于公成讞凜秋霜散衙坐理文心密閉閣堅辭世態忙  
有客停車偏乞字聖俞詩序待歐陽

東王小鐵索還詩彙

無多好語惜如珠崔氏鴛鴦鄭鷓鴣草裏累人焚不了  
汗牛空自費鴉塗

一分吟覽一分愁持到雷門布鼓羞道是異書君欲看  
借來渾不似荊州

窺豹殷勤獻一斑勝誇州宅與香山煙雲過眼行將盡

何日詩筒卻遞還

王前居  
武林

### 無題

逐隊流鶯認樹栖管教一樹一鶯唬笑看人到風生坐  
戲倩花扶月上梯燭盡三條春似海飲當十斗醉如泥  
有情湘水無情曲斜抱雲和唱漸低

### 再詠水倦

明窗淨几儘句留微步淩波素頸修向日擎來雲不重  
背燈開到玉知羞錯宜諼草甘同夢卻比蓮花易並頭

滾絮泥無住著極清涼處最溫柔

代東乞秦誼廷王小鐵李芍洲畫橋庭移蔭圖  
城隅流水送孤村松菊寥寥亂後存一劫滄桑空燹影  
十年風木冷秋痕燈前人語停花萼夢裏書聲泣樹根  
回首蒼茫懷橘地要憑圖畫識柴門

人日有作

如鉤新月上茅庵花氣鑪香共一龕  
卒歲家書謀未答  
澆春杯令戰方酣文章餘興成俳語臭味神交有痛談  
對酒當歌隨處是梅花何事在江南

封侯夢醒筆難投壯觀頻臨太白樓  
未必雄心銷馬齒  
由來名士薄蠅頭窮愁變態成豪思  
衰病情懷託盛遊

可柰百年無劇癖膏肓深入短檠秋

擇木檣鳥惜羽翰出林高鳥畏春寒堂堂作客都會慣  
耿耿憂時故不歡宦味漸從書味出別腸多比酒腸寬  
好詩馬上尋常有十里吟成箇字安

桐城詹雨民大令霖需次都門元旦夢飲秦中

撫署坐客六人一爲趙桐生茂材銘次忘其人

三子四詹五董某似卽秦撫六程蘭亭孝廉南

皆鼎軍舊遊惟董非所識焉依次聯詩長篇立

就僅記六語奇雅可愛爲詩紀之並錄存原句

驀然攜句夢遊僊小宴琅嬛翰墨筵世外尙多佳客聚  
人間無此好詩聯謝塘春草三生話秦隴秋笳萬里天



畢竟是詩還是夢卜居詹尹叩前緣

錄夢中原句

春草池塘春水綠

趙

將軍毳幕燒銀燭

忘其人

天河

倒瀉月橫飛

陳

美人一夜嘯紅玉

詹

安得柳絲十萬

丈

董

繫住雙鴻不飛散

程

感前事又得一首示詹雨民並寄趙桐生

聚散千回話未闌忽牽詩思到邯鄲由來夢裏嘔心慣  
多見人間覲面難絕妙文章天作合於今汧隴古長安  
平原十日終須別一霎神僊當夢看

元宵後一日

晴窗鑪火漸無緣日納南檐少一甌草際風光濃似潑

柳條生氣澹如煙酒樓人語心千里菊部笙歌夢十年  
一事塵中渾不料長安燈市見春聯

初謁藤廳

藤花廳今吏部官廳事也

廿年懷刺博貂纓乍履藤廳逐隊行錯訝神龍重點額  
豈容山鳥自呼名文章到此千人廢勲業當前一第輕  
平揖銓曹題姓字可堪琴鶴又長征

檢閱綠雲遺橐得萊僊女史和詩示童起山太

史

女史爲亡室勞氏兄女適童起山下世今三年矣所作詩詞多已散失此其僅存也

零縑碎錦認模糊舊恨新愁觸唾壺同病可憐兒失母

有一子名張係今九齡

銷魂何處姪從姑及泉相見家偏遠展卷

無聲淚已枯珍重金閨餘手澤一編遺稿一遺孤

起山以萊僊手遺詩卷見示爲題四絕歸之

一門風雅莅僊鄉四代同稱壽母觴

詩多作自定州官署有和祖母黃太

恭人七十自壽詩

徙倚孫行雙玉樹

文史有姊妹僊

小姨猶未嫁歐陽

分題吟眺傷金臺最少偏憐詠絮才飛盡堂前王謝燕

神僊終竟返蓬萊

黃太恭人登高詩一家屬和者九人今皆下世

十行錦字對琴尊千里東牀舊夢痕記得詩中還有我

魯靈光殿一人存

時予亦在定州詩中並及之

消受詩魔與病魔家風賢孝善懷多九京歡喜逢姑姊

遮莫含悲道詠莪

女史幼孤和綠雲詩有詠莪心事獨憐吾之句

送胡益堂南旋

廿年名下感晨星學海遺珠萬選青安定家聲宜教授

漢唐科目重明經

胡以叔舉為校官

舉頭猶覺蓬萊近屈指先

聞首藹馨一夢送君千里去綠波春草泛吳艖

### 再題萊僊詩卷

誰言高適未為詩幼婦曾題黃絹辭琴到無絃彈欲碎

碑疑沒字讀偏遲

萊僊諱言詩此卷於死後得之

閨門福慧修難並翰

墨因緣死有知惆悵秋墳聞鬼賦安仁今日鬢成絲

謝公祠

壘山先生遺蹟

一琴一硯付嗟呀

祠有一琴一硯之齋

古寺淒涼集暮鴉到此南

朝無尺土首陽薇蕨亦周家

北望風雲變玉關猶存吾舌薄生還乾坤正氣知何在

四百年來有二山

代東約賈琴巖傅子蕤慈仁寺看花

卽里笙歌沸一年閒情宜訪竹林禪  
兩三舊雨班荆日百五春風及第天  
有酒底催楊柳別無詩難喚海棠顚  
茶鐺蔬櫛尋常是勝擲壺尊十萬錢

過夕照寺方在卿讀書處

滿地斜陽漾佛旌入門喚舊半心驚  
令威已逐文公化

在卿與僧雲巖並率於寺可有僊禽報姓名

碧桃無語落庭前前度劉郎十八年  
前遊在王子莫對

閣黎談石室寺爲昌化石室寺分院家山鐘磬已茫然

昔年題詠幾人同玉版筵開酒不空  
最好僧雛忘世事

壁間今不用紗籠

送鄭秋亭

桂生官浙

數歷名場志未休  
夷門姓氏十年留  
賓迎驛路知交廣  
圖繪流民政事優  
安得烹阿封卽墨  
可堪無蟹有監州  
鑑湖風月西湖水  
他日家山遇舊遊

無題

何教忠孝不風流  
一瞬劉郎況白頭  
數到元都花落處  
十年前已耐人愁

賣憐無價趁芳年  
同上名場學鬪妍  
我是江湖羞老大  
鬢眉時樣獨茫然

東風隨意綠裙腰  
翠黛無心駐玉輶  
爭似勞人常惜別  
章臺楊柳殼魂銷

都下寄趙桐生

丈夫五十當富貴獨爲文章薄名位故里湖山百戰新  
攜家便結梅花鄰羽書徵之三不起感恩只合償知己  
馬上論功報稱難得固可歎失亦喜與君五載東山征  
格格鋒車短後行草檄千言若流水湘淮將帥知君名  
君歸我在生死地再見軍書馳捷騎大將功成朝帝  
京從臣許作親民吏白髮華簪愧濫竽同袍滄海幾人  
俱侯門人物如代謝尺瀆每漏吞舟魚卽今重試秦關  
馬也有名駒伏轡下下榻高材徐孺寒徐訂卿孝廉啟謨彈琴  
古調鍾期寡鍾蘅塘茂材崇銓拔劍斫地哀王孫酒樓風月別  
離痕書生報國尋常事惟有封侯夢不論明湖他日高

軒過爲君埽徑開蓬門

三月二十六日奉檄出都將之山左留別都中諸友

揮手長安幾酒樓出山雲影去還留重尋舊侶偏輕別  
便博羣官亦盛遊卅載塵名纔捧檄五陵同學早封侯  
皇恩許作親民吏所愧循良願未酬

清禁鐘聲散早朝晨星寥落海天遙來時雪裏梅含笑  
別後風前柳折腰綠酒紅燈偏興盡杏花春雨又魂銷  
懷人儻憶登高賦岱頂雲煙近九霄

留別穗生

文字論交重相攸名場聯袂騁驂駟君今珥筆趨青瑣



我尙彈冠愧黑頭宦海風雲重汗馬家山烽火幾同舟  
十年聚散可勝憶難得相逢日下遊

走馬蘭臺去復停墜歡重敘數晨星朝衫爭逐東風換  
詩卷猶餘戰氣腥舊夢蒼茫醒酒市新愁零亂畫旗亭  
閒雲出岫無心住會待春深柳眼青

老興淋漓百感增碧雞坊下見春燈王尊叱馭成何事  
毛義辭官病未能故簡空鑽楊腹蠹寒窗新喚出頭蠅  
行年漸近知非日那有文章與命憎

苦憶三年櫪下吟解纔許領華簪書生乍慰朝天願  
末秩難名戀闕心食祿有方官渤海俸錢何日買山林  
澄清一片明湖水不似從前百尺深

舟行疏河

頂風灣過順風生  
百里疏河繫纜行  
樹裏寒村隔人影  
隴頭春水浸蛙聲  
新添健僕辭長劍  
坐對孤篷支短檠  
底事同舟偏有客  
十年一飯故人情

璧軒族叔

別後寄都下薛汝靜觀察

華坤

草檄燈雙穗  
看花酒一尊  
相逢偏馬上  
作別又都門  
盾鼻新詩句  
刀鐙舊夢痕  
博聊關畔月  
前度已銷魂

我惜江南好  
君歌蜀道難

薛本蜀人

望雲同萬里  
就日愧千

官  
欲寄相思字  
常留不盡歡  
何時重結轡  
鄭重話長安